

Trosolwg

Mae'r safon hon yn ymwneud â chynorthwyo â rhyddhau unigolyn o wasanaeth gofal iechyd ar ôl i'r ymarferwr priodol benderfynu rhyddhau'r unigolyn.

Mae'r safon hon yn addas i unrhyw un y mae disgwyl iddo gynorthwyo â rhyddhau unigolyn o wasanaethau gofal iechyd. Gall yr unigolyn gael ei ryddhau i ofal gwasanaethau iechyd neu gymdeithasol eraill, neu i'w ofal ei hun, sy'n cynnwys gofal a ddarperir gan aelodau'r teulu a/neu bobl eraill arwyddocaol.

Mae'r safon yn cynnwys gweithdrefnau rhyddhau clinigol ac mae'n cynnwys gwirio nodiadau rhyddhau, trosglwyddo gwybodaeth ac, yn achos unigolion sy'n cael eu rhyddhau i'w gofal eu hunain, darparu cyngor a gwybodaeth am ôl-ofal.

Rhoi gwybod i unigolyn am drefniadau rhyddhau

Meini prawf perfformiad

Rhaid i chi allu:

1. cael at a dehongli'n gywir yr holl wybodaeth a chyfarwyddiadau gwaith sy'n berthnasol
2. gweithio'n ddiogel bob amser ac yn unol â'r holl ddeddfwriaeth, canllawiau, polisïau, gweithdrefnau a phrotocolau perthnasol
3. delio'n brydlon ac yn effeithiol ag unrhyw broblemau o fewn eich rheolaeth a rhoi gwybod am broblemau na ellir eu datrys
4. nodi a lleihau peryglon a risgiau yn y gweithle
5. cyfathrebu â'r unigolyn a phobl allweddol yn ôl cyflymder, modd a lefel sy'n briodol i ddealltwriaeth ac anghenion yr unigolyn, a'r hyn sy'n well ganddo
6. parchu hawliau a dymuniadau'r unigolyn o ran ei breifatrwydd, ei gredoau a'i urddas
7. darparu cymorth i'r unigolyn a gofalwyr a sicrhau bod mesurau iechyd a diogelwch yn cael eu gweithredu bob amser
8. darparu cyngor a gwybodaeth i ymateb i unrhyw ymholiadau sydd gan yr unigolyn, yn unol â chwmpas eich ymarfer
9. cael unrhyw awdurdod angenrheidiol ar gyfer rhyddhau gwybodaeth, cyn gwneud hynny
10. rhoi manylion i'r unigolyn, y gofalwr neu berson arall arwyddocaol am:
11. gwirio a chadarnhau bod yr unigolyn, y gofalwr neu'r person arall arwyddocaol wedi deall y wybodaeth ryddhau.
12. cynnal cyfrinachedd gwybodaeth, yn gyson â deddfwriaeth a pholisïau eich cyflogwr
13. cwblhau a storio'r holl ddogfennaeth berthnasol yn unol â gofynion y sefydliad